

Galegos – Frades, 1984

**Informantes:** Ricardo Lagares; Cesáreo García Sánchez; Florinda; Consuelo; María**Compiladora:** Dolores Presedo**Colección** de Baldomero Iglesias**Transcripción:** Sergio de la Ossa, rev. B. Iglesias

1. Se queres que vaia verte  
de noite polo luar-e  
mata i-ese can rabeno,  
que non fai máis que ladrar-e.
2. Catro veces cai la pluma  
cinco veces al tintero  
para 'screbirche unha carta  
pero del alma no puedo.
3. O can rabeno n' o mato,  
non me queda i-outro can-he,  
se non me ves desde noite,  
vesme de pola mañán-he.
4. Co can, la pruma en la mano,  
el tentero 'n la rodilla  
para 'screbirte una carta  
desa prenda tan querida.  
*i ai la la la i ai la la la*  
*i ai la la la i ai la la la*
5. Cuando leías esta carta,  
bésala, prenda mía,  
quí esta ghotá que aí vai-e  
i-es una lághrma mía.
6. I-adiós, carta de inamoros  
que van veros a la mile,  
arrodillaraste en [...]   
dálle un abrazo por min-he.  
*Ai le la le la...*  
  
*[Cesáreo:]*
7. Esta noite hei d'ir ao muíño  
cun fato de nenas novas,  
elas todas en camisa,  
eu no medio en cirolas.
8. O cregho [...] p' ao viño  
mete-la cabeza dentro,  
logho fariña da rubia  
para face-lo fermento.  
*Ai le la le la ai le lo le lo*  
*ai le lo le lo ai le le le la.*
9. I-o muíño do meu pai-e  
non é muíño, que é convento,  
os solteiros para fóra  
i-os casados para dentro.
10. No moíño que eu moio  
tamén moi unha señora,  
bótalle o ghran, querediña,  
bótalle ata que non roia.
11. Tráeme esa carga, María,  
tráeme esa carga nun bando,  
para prender estas burras  
que para mi 'stán mirando.
12. Teño unha herba na i-horta  
que me seca polo pé  
así sequ' a túa lingua  
por deci-lo que non é.
13. I-eu ben vin está-lo cuco  
sentado no arredor-e,  
cunha escopeta na man-he  
deprendendo a cazador-e.  
*Ai la la la la...*
14. Eu ben vin 'stá-lo cuco  
no burato dun loureiro  
cunha subela na mau-e  
aprendendo a zapateiro.
15. I-a moller do zapateiro,  
por ben bonita que sea,  
[sempre ten a cara] neghra  
de tirar polas correas.  
*Ai la la la la...*  
  
*Ai, érache o viño,*  
*ai, érache a caña,*  
*ai, érache o viño*  
*que me emborrachaba.*  
*Que me emborrachaba,*  
*que me emborrachaba,*  
*ai, érache o viño,*  
*ai, érache a caña.*  
  
*S' o río [...]*  
*levava coñá*  
*tódo-los borrachos*  
*bebían alá.*  
*Bebían alá,*  
*bebían alá,*  
*s' o río [...]*  
*levava coñá.*

